

predictus vadat apud Frankenvort ad electionem nunc futuri regis et indigeat comitiva nostri comitis predicti et hominum nostrorum cum armis, nos comes predictus tenemur cum eo ire cum hominibus nostris in armis in propriis expensis dicti domini archiepiscopi. Et eodem modo tene-mur ire secum apud Aquis ad coronationem dicti regis in propriis expensis suis. (5) Item nos archiepiscopus pre-dictus non possumus nec debemus aliquem eligere in regem Romanorum, quin antequam consentiamus in eum, pro-mittat et caveat sufficienter, quod omnia, quecumque comes predictus habet facere cum rege, regno vel imperio, faciet absque difficultate qualibet. Et quod ipse rex ammovebit omne impedimentum, quod esset appositum per quoscum-que predecessores suos, et ratificabit et confirmabit dicto comiti, heredibus suis et successoribus comitatum Hollandie, Zelandie et dominium Frizie et dabit dicto comiti omnes litteras, que sibi expedient ad pacifice possidendum dictas terras. (6) Item recipiet rex dictum comitem pacifice ad homagium suum de omnibus hiis, que comites Hollandie, Zelandie et domini Frizie predecessores sui tenuerunt a rege seu ab imperio, et faciet ea confirmari per electores. (7) Item procurabimus nos archiepiscopus dicto comiti ultra predicta bona fide omne bonum et avantagium, quod poterimus impetrare a dicto rege pro eo. (8) Item nos archiepiscopus faciemus dictum regem obligari dicto comiti, quod ipse rex conservabit dictum comitem, he-redes suos et successores indempnes contra omnes de omnibus, que dictus comes faciet vel intercipiet pro rege predicto. (9) Item tenebitur rex confirmare et ratificare omnia privilegia, litteras et munimenta, que dictus comes habet a regibus [Romanorum]^a vel imperatoribus. (10) Et hec omnia et singula nos archiepiscopus et comes pre-dicti promittimus ad invicem et unus alteri bona fide et per iuramentum nostrum, [nos] archiepiscopus posita manu ad pectus in verbo sacerdotii [et] nos comes tactis sacrosanctis ewangeliiis, facere, iuvare et adimplere et non [contraven]ire^b per nos vel per alium aliqua ratione vel causa. (11) Salvis confederationibus et alligationibus per nos vel per aliquem nostrum ante has alligaciones [factis cum aliis, si]^c nobis credere voluerint. Salvo quod quilibet nostrum tenetur, suum antea alligatum alteri nostrum guerram seu molestiam inferentem [. gen] sium^d,

a) Lücke von etwa 8 Buchstaben. b) 7 Buchstaben. c) Etwa 15 Buchstaben. d) Etwa 13 Buchstaben; 'gen' am Schluss wahrschein-lich, doch nicht sicher.